




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.17/a






Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.17/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.17/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.17/a

De

FRANCISCI
CAESARIS AVGVSTI
MVNIFICENTIA.

1. 6. 17

1A' 6

562-

VI

COTTIV.

1630

IOANNES
COTTIVII
ORATIONES TRES


Quarta

Duo sunt Aedificia

Unus de Aedificiis Aedificiorum

Aedificiorum Aedificiorum

De Aedificiis Aedificiorum Aedificiorum



IOANNIS
COTTUNII
ORATIONES TRES.

Quarum

Dux sunt Academicæ,
Vna, de formis Rerumpublicarum,
Altera, de Vera Nobilitate,
Tertia verò est Liminaris ad Philosophiam.



FOR A N M I S

TTVNI

ATIONES TRES

Quoniam

Deinde etiam
Vnde deinde
Aliud deinde
Tertia deinde

ORATIO LIMINARIS.

HABITA A PERILL. ET EXCELLENTISS. D.


IO. COTTVNIO VERIENSI.

*Philosoph. Med. & Sacr. Theolog. Doct. Equiteq; aureato
S. Georgij, & in Patauina Academia
Philosopho Primo.*


ILLVSTRISSIMIS,
ET EXCELLENTISSIMIS
PATAVINI LYCOEI MODERATORIBVS.

A

Natione Græca Patauii degente ceu deuinctæ mentis
tabula humiliter oblata.



Patauii, Ex Typographia Pauli Frambotti. M. DC. XXXVIII.
Superiorum permissu.



ILLVSTRISSIMIS ET EXCELLENTISS.

Patauini Gymnasij Moderatoribus

D. D. D.

FRANCISCO MAVROCENO D. M. PROCVR.
BAPTISTÆ NANNIO } SENAT. AMPLISS.
HIERONYMO TREVISANO } PRÆST.

DOMINIS, AC PATRONIS

enixè colendis.

Perpetuam fœlicitatem P.



*Q*uam nuper Excellentiss. Cottunius Oratio-
nem publicè habuit, oculis hominum subiice-
re visum est, ut quas ille è suggestu pro
adepta Suprema Philosophiæ Exedra,
Æternæ ac Serenissimæ Reipublicæ Vene-
tæ grates egit, tum a parente Græcia, tum
ab Orbe terrarum vniuerso exaudirentur. Eam celso vestro
nomini, Illustrissimi & Excellentissimi D. D. D. humiliter
sacramus, qui & antehac innumera beneficia in gentem no-
stram plena manu congesistis, & nunc honorum Coronidem,
& Colophonem imposuistis, ut summa cum ratione Gens no-
stra vniuersa Celsitudines Vestras, ceu benefica quædam, ac

A 2 tu-

tutelaria sui numina colat, obseruetque. Interea nouam hanc
obsequii nostri tesseram hilari, qua soletis, fronte aspiciat, dum
nos summis cum Deo precibus agimus, ut Celsit. VVV. inco-
lumes, sospites, omnique bonorum affluentia in dies magis
magisque auctas quamdiutissime seruet.

Patauii a Partu Virgineo M. DC. XXX. VII.
Calend. Nouemb.

Illustris. & Excell. Celsit. VVV.

Humillima, & addictissima

Natio Græca Patauij degens.

ORA-

ORATIO LIMINARIS

HABITA IN PATAVINA ACADEMIA.

A IO. COTTUNIO VERIENSI.

*Dum ab Aeterna, ac Serenissima Republica Veneta, ad
Primam Philosophiæ eiusdem Academiæ
Exedram fuit euectus.*



Vcunda mihi, & cunctis clarior emicat
hæc dies. N. N. dum superno, atque
Aeternæ Reipub. Venetæ psephismate
ad supremam Philosophiæ Exedram
in hoc gloriæ, ac immortalitatis Lyceō
honorificentissimè efferor.

*O qui' perpetua Mundum ratione gubernas, Terrarum
calique sator, quàm abdita, recta, inmotaq; sancita tua.
Tibi, in omnes æternitatum myriades excelsa laus, & ho-
nos: Tu mentem quoque, & linguam mihi dirige, vt ex
hoc sublimi dicendi, ac docendi suggestu, vera, & salu-
taria videam, diiudicem, promam; atque vel tantillum
eloquentiæ favum in pectus instilla, vt quas perpetuò
Aeternæ, ac Sereniss. Reipub. Venetæ habiturus sum
grates, pro tam eximio in me collato beneficio, (sic enim
demandatam mihi prouinciam lubeat interpretari,) nunc
in hoc frequenti honestissimoque confessu dicendo re-*

*a Boet.
lib. 3.
metr. 9.*

A 3 pen-

b Arist.
lib. 8.
Ethic.
cap. 15.
e Senec.
lib. 2. de
Benef.

pendam. Porro beneficium omne b tria spectat: Quis dat, Quid dat, Cui dat. Quæ quidem acer Beneficiorum æstimator Seneca, eleganti c Chrysippi similitudine de pi- læ lusu illustrat; quod quemadmodum eius concinnitas mittentis æquæ, ac repellentis dexteritate consurgit, & alterutrius vitio cadit, sic beneficii ratio, nisi vtraque, persona, dantis, & accipientis aptetur, nec ab eo exhibit nec in illum perueniet, vt debet. Quæ tria dum paucis in præsentimunere perpendo, spero, fore vt, qua semper in omnes ex hoc loco dicentes humanitate extitistis, qua me ipsum antea actis temporibus in hoc vestro litterarum Emporio benignitate, animique attentione cohonestastis, eam nunc de præclarissimis rebus dicturo præstetis.

Dedit beneficium isthuc, Aeterna, ac Sereniss. Respub. Veneta, quam dum mentis acie domi, militiæq; pel- lustro, tam ampla, & varia eius laudum seges, tot præcla- ra, maximèque laudabilia, & pacis, & belli temporibus facinora vnà se mihi obijciunt, quæ sui delectum ita red- dunt perdifficilem, vt exitum dicendi facilius, quàm ini- tium sit inuenire; vt cum Homérico Vlyssæ exclamare cogar,

Homer.
Odyss. λ.
siue l. 11

τί πρῶτον, τί δ' ἔπειτα, τί δ' ὅσάτιον καταλίξω.

Quid primum, quid mox, & quæ tandem ultima dicam.

d Ioan.
Ant Ma
gin. &
Andr. Ar
g 1 in
Eph.
e Ptol.
lib. 1.
Geogr.

Enimuerò siue communem loci positionem spectes, cælestis d situs ad longitudinem quidē incidit in gradum trigessimum quintum, ad latitudinem verò in gradum quadragesimum itidem quintum, eoque præclara Vrbs Veneta e in quinto climate collocatur, quod a Ptolemæo inter maximè temperata reponitur; vnde cæli clemen- tia, aeris salubritas, Soli vbertas, rerum omnium copia
fin-

singularis. Siue eius perpendas Horoscopus, est f Cancer, qui cum sit g signum, ut aiunt, mobile, & cardinale, tribuit agilitatem, negotia, rerumque affluentiam: cum sit sedes ac domicilium h Lunę, elargitur beneuolentiam, affabilitatem, & publicam comitatem: cum sit Iouis exaltatio, k præbet Iustitiam, animi magnitudinem, prudentiam, virtutem: cum denique sit Martistrigonus, dat fortitudinem, vigilantiam, consilii firmitatem, calliditatem. Quæ omnia in Venetis nemo vestrum non luculenter introspicit. Sidein eius ortum, ac natalia collimari lubuerit, ita in Vetustatis maiestate abduntur, ut nemo ad hanc m vsque diem certum eius conditorem indicarit. Quippe haud ita facile in eam quisquam iuerit opinionem, quod fausta, & auspicata Venetiarum initia, furente per Europam Attila Humorum Rege sint iacta, præsertim cum præclarum Venetiarum nomen, & gens etiamtum memorabilis, ante Virgineum partum sexcentis viginti, atque adeò ante Attilam mille, & eo amplius annis celebrata in historiarum monumentis inueniamus. Magnum est, Aud. Opt. quod dico: verum quàm verè dicam, quæso, ut adhuc fecistis, attendite: Herodotus priscarum rerum scrutator grauissimus, & qui a vestro Tullio r antiquæ Historiæ pater haud immerito nuncupatus est, expendens p Babyloniorum circa nuptias ritus, ait, easdem nuptiarum caerimonias, ac instituta obseruari à Venetis, qui prope Illyricum degunt. Sic ille sua lingua; νόμοι δὲ αὐτοῖσι ὡς κατεστάται, ὁ μὲν σοφώτατος, ὅδε κατὰ γνῶνιν τῶν ἡμετέρων, τῶν καὶ Ἰλλυριῶν Ἐνετὸς πωδανομα χηῖσαι. καὶ καὶ μὲν ἐκαστος αὐτῶν τῶν ἡμετέρων ἐκαστοῦ ἐποίητο τὰδε. Quæ Latinis auribus ita sonant *Leges autem ipsis hoc pacto constitutæ sunt. Una quidem, ut*

A 4 meus

f Gaspar.
 Naibod.
 ad lib. 4.
 Quadr.
 g Ptol.
 lib. 2.
 Quadr.
 h Idem
 Ptolem.
 lib. 4.
 Quadr.
 cap. 1. 3.
 k Ibid.

m Bern.
 Iust. li. 1.
 de Orig.
 Vener.
 pag. 5.

r M Tul.
 lib. 1. de
 leg.
 p Herod.
 in Clio,
 siue li. 1.
 prope finem.
 Et Bern.
 Iust. li. 1.
 de Orig.
 Ven. p. 9

z Gilber.
Geneb.
in Chro.
nolog.
ad orig.
Mundi
3690.
Et Aug.
Tornell.
in anni
succ.
x Diod.
Sicul. li.
bro 1
a T. Liu.
lib 1. ab
Vrb.

meus fert animus, sapientissima, qua etiam Venetos, qui ad Illyrium sunt, audio uti, ut ad vicos singulos semel in singulo quoque anno hæc fiant, &c. At verò Herodotum ante Deiuirilem Virginis partum annis t sexcentis viginti, Attilam verò ab eodem partu annis quadringentis sexaginta viguisse, nemo est in Historiis vsque adeò tyro, quin sciat: ideoque præclaræ gentis Venetæ, etiam tum magnæ ac memorabilis nomen, & instituta, cum Babylonis collata, ante Attilam annis mille supra octoginta celebrentur. Quid verò? Aud. Opt. neque Venetis illis x olim ad Britanicum Oceanum expositis, neq; Paphlagoniæ a populis Venetis dictis, primordia huius Urbis absolutè concesserim, quamquam haud ægrè dederim conspicaciora, quòd expulsis Euganeis, dextro quodam sydere sedes hic suas collocarint. Nam si priores illinc habitantes extruserunt, qui vnquam illi prima eius initia fecerunt? Quare ne diutius hac in parte vagetur oratio, excipite, si lubet, Actium Syncerum Sanazarum, qui venusto, ac opulento illo Hexasticho, quo Urbem Venetam cum Roma conferens, concludit,

*Si Pelago Thybrim præfers, Urbem aspice utramque:
Illam homines dices, hanc posuisse Deos.*

Sanazarus in Epigr.

b Horat.
c Carm.
Od. pen.

Describuntur
Venetiæ

Iam verò si eam gestientem contemplamur, (quam æternam, in diesque, qua Sol, b habitabiles illustrat oras, auctam Dei indulgentia seruet) pro mænibus c vndis cingitur, in salo insidet solum, in lubrico, & instabili fundo, fixæ atq; ingentes eriguntur moles, tota cymbis æquè ac pedestribus peruia, natantibus iuxta ac habitantibus apta, munitissimis vicis referta, amplissimis expansa plateis, innumeris ædificiorum Mausolæis ornata, turribus sydera

fydera pene pulsantibus decorata, vltra quadringentis pontibus munita, quauis armorum instructa acie, quocumq; copiarum genere armata, omnigena rerum vbertate ad miraculum vsque conferta, vt summa ille cum ratione a Leone Decimo, quid Venetiis vidisset, interrogatus, retulerit, Vidi miraculum supra miraculum. Et Paulus Merula, singularis Orbis terrarum descriptor, d verè & grauitè hæc omninò consignet litteris. *Venetiarum Vrbs hodie omnium clarissima est, & florentissima, Mundi Theatrum, commune totius Orbis Emporium, Victrix, domitrixq; tot tantorumque Hostium, Hadriatici Regina Maris, Italici nominis gloria decusque. Quamuis multa bella gesserit, variamque fortunam mille annorum spacio sit experta, in externi tamen Hostis potestatem nunquam deuenit.*

d Paulus Merula l. 4. p. 1331.

Postremò, dum incolarum, ac præsertim Patriciorum cætus innumerabiles spectro, succurrit Cineas ille Pirrhi Epirotarum Regis ad Romanos orator, qui altero postquam die Romæ fuerat, vniuersum Romanum Senatû, & Equestrem ordinem ex nomine fertur salutasse, Regique postea suo retulisse f, *Romanum Senatum visum sibi quoddam sacrarium, & multorum Regum concilium.* Quid si cellsum, (vt reliqua sileam) ac multa maiestate verendum Senatum Venetum conspexisset? Verum profectò Sacrarium, & multorum Regum conuentum longè potiori ratione pronunciaffet: Cuius quidem prudentissimi Senatus consulta, æquissima monita, sacratissima instituta, sanctissimas leges, religiosissimos ritus, incomparabilem commixtæ Aristocratix ideam, æquum, ac suauè imperium, lubens oratione prosequerer, ni me, inuidæ virgerent temporis angustix. Vnum planè aureum, & bra-

f Plutar. in vita Pirrhi. Et Ioan. Tarcag. lib. 23.

g D. Th.
lib. 4. de
Regimē
Principū
ad Regē
Cypri,
cap. 8.

bracteatum D. Thomæ effatum, quin in medium afferam, temprare mihi non possum, qui quidem in libro de Principum Reginine hæc omnino, ceu ex alta quadam specula cunctis inclamat. *In g. partibus autem Liguriæ, Æmiliæ, & Flaminia, quæ hodie Lombardia vocatur, nullus principatum habere potest perpetuum, nisi per viam Tyrannicam Duce Venetiarum excepto.* O exceptionem pulcherrimam, ò vocem Angelico ore dignam, ò præclarum vnicæ Urbis præconium, omni æternitati commendandum. Videtis Aud. Opt. Quis præsens Exedræ beneficium dedit? Dedit autem per Heroas eximios, omni que laude cumulatissimos, Illustris. & Excellentis. FRANCISCVM MAVROCENVVM dignis. D. MARCI Procuratorem, tutelare, & faustum Græcanicæ Nationis numen, & quouis maiorem præconio: Illustris. & Excellentis. BAPTISTAM NANIVM, incomparabile, æternæ Reipublicæ lumen, & columnen, viuum probitatis prudentiæ, omnigenæque virtutis exemplar: Necnon Illustris. & Excellentis. HIERONYMVVM TREVISANVM, verè inter magnos maximum, virum omnium domi forisque virtutum. *Non ego vos, vt cum Horatio m dicam, meis chartis inornatos silevi patiar impugne carperre liuidas obliuiones.* Si itaque multa intercapedine præstabilius est, a magno aliquo quicquam donari, quàm a quoquam alio notæ inferioris, perpendite, quanta sit in dato munere laus, cum in eo, qui dedit, tanta sit dignitas.

m Hor.
libro 4.
Carmin.
Ode 9.

Venio nunc ad alterum quod proposui. Quid dedit. Supremam Philosophiæ Exedram in Patauino Lyceo. Ita colligite: Inter omnes Orbis terrarum plagas, Europa
me-

merito suo gestit princeps: inter huius oras Italia: inter omnia Italiae Athenæa, Antenoreum caput effert, adeò vt quod olim de Græcia, & Athenis dictitatum fuit, *ὡς ἦν ἡ ἑλλὰς ὀφθαλμὸς κόσμου, αἱ δὲ ἀθῆναι ὀφθαλμὸς ἑλλάδος* quod Græcia esset oculus Mundi, Athenæ autem oculus Græciæ, huc cadat, quod Italia est Mundi oculus, Patauium. verò Italiae ocellus: inter principes verò huius Athenæi litterarias sedes, Prima Philosophiæ habetur eximia: eximiam ergo, ac principem Orbis totius Exedram dedit. Deinde, Quis inter publica hæc subsellia non illud æstimatione præire putet, cuius facultas, atque professio dignitate antistat? Quis autem dubitet, quin Philosophia ita sit omnium doctrinarum, facultatum, ingenuarumque artium procreatrix, ac moderatrix, vt cunctæ eius ope atque præsidio apprimè indigeant, eaque affatim destitutæ veluti in illi nocte obuenserent? Quod cunctis in propatulo ponerem, ni id multis alias præstitissem. Verum ne mea quàm par est, longior excurrat oratio, eam tertium propositorum iam vocat.

Cui dedit? Io. Cottunio, natione Græco. Rependit, opinor, Græciæ nutricalia, & *ἀντιπελαργὸς* hac in parte æterna Respublica; quæ merificè Græcas immitis Otomari reliquias fouet, & blando benignitatis complectitur sinu. Excipite cogitatione quàm honorificè eius Nationis hominibus in Regia sua indulget, quàm validè tuetur extra. Recolite, quàm munifico apparatu, quàmque splendida munificentia munitissimam illam arcem, ac nullis vnquàm cessuram viribus Corcyram ornat, tuetur, conseruat. Quid Dulichium nobile, & nemo rosam Zacynthum? cui, vt reliqua silentio voluam, superiori,

b Vetus
de Græ-
cia, &
Athenis
dictum.

& Virgil.
Aen l 2.
Et Hor.
l. 3. Car.

Homer.
in Epita-
phio Re-
gis Me-
de.

ri, qui se proximè conuoluit, atque elapsus est, anno, di-
ra terrarum concussione dirute, atque euersæ, ita huma-
niter succurrit, vt omnigena etiam cēmenta, quibus illa
reficeretur, illuc transmitti curarit? Quid Insularum
principem Cretam? quæ si centum & olim gestiret Vrbi-
bus, nunc totis præclarorum virorum centurijs fulget; si
quondam Iustitiam in se pene natam, quod ab Rege Mi-
noe leges accepisset, gloriaretur, nunc felici, ac fausto
Venetorum imperio gubernata, eam ipsam Iustitiam in
semet regnantem experitur; expertura etiam, quod om-
nes votis, ac vocibus expetimus, vt cum Homero dicant,

Εὐτ' αὖθ' ὀδυρτενὰν, καὶ δίδραμα κρὰ τεθνήκῃ,
Ἥλιδις τ' ἀν' ἰὼν λάμπει, λαμπρὰτε σέληνι,

----- *dum unda fluet, dum sylua virebit.*

Dumque oriens calo Phæbus, dum Luna micabit.

Reliqua verò Græcia, prò dolor, im mani Turcarum
concrita barbarie gemit, & gemit inconsolabiliter. Re-
cordatur vniuersa Peloponesus, delicatissima Cyprus, o-
pulenta Thessalonice, & magna alia Græciæ pars, felicitum
illorum temporum, cum placidissimis Aeternæ Reipubl.
Venetæ habenis flecterentur: supplicesque ad cælum ten-
dunt manus, speque benigna fruuntur, fore, vt illa ea-
dem tempora reuertantur. Sed quò feror? Vela ora-
tionis contraho, tametsi citatissimo cursu ad plura, &
impressa festinet.

Et quod nostræ opis est, eternæ ac Sereniss. Reipubli-
cæ Venetæ, pro tam eximio beneficio in me, ac mea in-
gentem collato, ex intimo animi recessu gratias ago: ita
tamen, vt apud Deum fieri amat, sentiendo copiosius,
quàm loquendo. Atque non modo in hoc Europæ Thea-
tro,

tro, qui locus horrore tranquillo, *m* & pauore venerabili
raro eundem animum, & vultum præstat dicenti, sed
vsquequaque gratias ago, tum tacens, tum loquens, tum
in cætu hominum, tum ipse mecum, & cum voce patui, &
cum meditatione secessi, omni loco, actu, habitu, & tem-
pore. Nec mirum si ego terminum non statuo tam gra-
ta profitendi, cum ea finem facere nesciat Græcanicam
Nationem honorandi. Vobis etiam, Illustris & Ec-
cellentis huius Urbis moderatores, fulgentissima Rei-
publicæ sydera, singularia Heroicarum virtutum moni-
menta, viua prudentiæ, Iustitiæque exempla, quòd meam
hanc actionem iucunda præsentis vestræ luce illustrare,
ac condecorare dedignati non estis, immortales quas
semper habebo, gratias ago; relaturus etiam si vestra
fortuna exigeret remunerandi vicem, vel nostra sugge-
reret restituendi facultatem: sed vestra beneficia vt ma-
iestate præcellunt, ita mutuum non poscunt. Tum vo-
bis Patres Excellentis. & Iuuenes studiosissimi, quorum
vtilitati allaboramus, & quorum iuuandis studiis opera
nostra destinata est, vobis inquam, omnibus, quotquot
adeftis

Latus, lubens, laudes ago, grates, gratiasque habeo.
Dixi.

m Aulo-
nius in
Orat. ad
Traianū
Imper.

Plaut.
Trin.

In laudem Dei Benedicti, & Deiparæ Virginis.

